




H. XIII. 8




Nova-Tacina. Litera-

937.  
I











Henrici Nicolai

1. Oratio de Protervia quadam Philosophica.
2. Miscellaneorum Exercitationum Decades III.
3. Gymnasium Ethicum.
4. Irenicum sive de differentiis Religionum conciliandi  
Comentatio.



MISCELLANEARVM  
Exercitationum  
DECAS  
PRIMA *fol. 2*

In quâ de varijs materijs, Theologicis, Meta-  
physicis, Physicis, & Logicis disquiritur, sententia-  
rum fundamenta ostenduntur, & obstantia debi-  
tis resolutionibus diffringuntur.

Disputatorijs Gymnasmatibus in  
Gymnasio Gedanensi de-  
curſa.

PRÆSIDE  
HENRICO NICOLAI,  
Philosophiæ ibidem Professore  
Publico.

*Ad Serenissimum Principem, Hassiæ Landgra-  
vium, perſcripta.*

---

Gedani. GEORGIO RHETIO, Reipub. & Gymnasij  
Typographo Ordinario exscripta Anno 1636.





88

I

Ha

Decorative initial 'H' with floral flourishes.

m  
R  
In  
ve  
fi  
el  
du  
p  
q  
ra  
vi  
ba



*Serenissimo Principi ac Domino*

**Dn. GEORGIO,**

Hasfiæ Landgravio, Comiti in Cattimeliboco, Deciâ,  
Ziegenhainâ, & Niddâ, &c. Dn. suo clementissimo

*Salutem, cultum, & perpetuam felicitatem.*



Vod â DEO universi inunctum accepimus, *Serenissime Princeps ac Dn. Dn. Clementissime*, ut pro se quisque nitatur sedulo, quo commissam sibi Spartam industriè exornet: id singulis in eâ, cui destinamur, provinciâ seriò incumbere, æquum est, ut æstimemus. Stare nos omnes velut ad orbem quendam Reipublicæ censere debemus: & in militiâ ab summo Imperatore lectos esse, ubi quisq; munus vel ducis, vel gregarij militis, aliudue explicare teneatur. Nec sic tempori consulendum nobis, ut vel oportunitas ejus elabatur: vel ratio, si poscatur, reddi non possit. Assiduus quidem ille questus mortales occupare solet, temporum concessa vivendi spatia adeò rapidè velociterque decurrere, ut multos vix viventium ordini illatos raptâ desubitò animâ mortalitatis fata complevisse videamus. Nec vulgi tantum, aut consilij expertis turbæ hæc querelâ est: Clarorum etiam Virorum lamenta



hic affectus concitavit. Quod si rectè calculos exputamus, non satis compositæ mentis illa illacrymatio est. Non parum ævi suppetit, in cuius spem gignimur: sed multum prodigimus. Nec accipimus semper vitam brevem, sed facimus. Providè dispensanti satis laxè vita patere videbitur: nec tam ætas rapida erit, quàm aversa ab re nostra occupatio. Fermè ad aliena agendo delabimur: aut fluctus numeramus: aut torpendo dierum spatia ad agendū concessa transigimus. Est, quem insatiabilis in vitâ habendi versat cupiditas, & nunquam satiati libido animi; implere desiderantis, quod jam circumfluit. Etiam devexæ in senium ætati appetitus fortunarum pervicaciter sedet; cum nec diu constare possunt, nec pretiosis delitijs effœtum & lapsans corpus sollicitare. Alium in superuacuis inepta detinet sedulitas; & nusquam residentis animi volutatio hinc inde p̄r vana rerū exagitat. Alium vini mador defixū tenet, & perpotandi pervigilandiq; insana dulcedo. Cui Siculæ dapes & Cerealis cœna, atq; ut ait ille,

Ludere, bacchari, gravidisq; incumbere mensis,

Ridere, & carni semper amica sequi,

summam votorum expedient. Alium inertia occupavit: aut ex alienis judicijs suspensa semper & præceps ambitio. Plurimos mercandi lucrandiq; non satis consulta quandoq; temeritas circa terras, pontum, & ætherem confusos agit; quibus semper potius videtur, quod restat, quàm quod occupaverunt. Non paucos, ut hodiè sunt secula, militandi flammavit ardor; nunquam non



nō aut alienis periculis intētos, aut suis perculſos. Multos nihil certi deſtinantes, vaga, inconstans, & ſibi diſplicens levitas, per varia & periculosa interdū conſilia circumtulit: ac quos vel alienæ affectatio fortunæ, vel ſui odium tandem abſumit. Pauci in mortalibus ſunt, qui temporis pretium rectē æſtimant, & occaſiones per acta prudenter diſpenſant. Prodigè ac tanquam ſemper victuri plerumq; degimus: & rarò noſtra nobis occurrat fragilitas. In patrimonijs continendis aſtricti ferè ſumus: nec facile prædia noſtra ab alio occupari permittimus. Quod ſi de modo finium contentio eveniat; facile eſt, ad lapides, iudicia, arma, decurrere. Vbi ad vitæ temporisq; jacturam devenitur, profuſi ſumus in eo, cujus & unius honeſta eſt avaritia, & jactura irreparabilis. Coëterarum ruina rerum utcuq; ſarciri poteſt: Temporis jactura nec reparationem admittit: nec à nobis, ut reducatur, quod lapſum eſt, perficitur. Quò intentiùs ei incubandum erit, ne vivere nimis ſerò inchoare velimus, cum deſinendum eſt. Incurioſè res exercentur ab occupatis: nec altius quidquam recipit alienis diſtrictus animus. Nobis reddendi ſumus, temporique juſtè vivere in totâ vitâ eſt addiſcendum. Quod mihi inſtitutum fuit, quando poſt Logica præexercitamenta ad miſcellanea, quæ modò promo, animum adjeci. Non in vitâ ſine vitâ & velut ſpiritu agendum fuit: nec committendum, ut recenſitis vitæ diebus paucos admodum, & quaſi rei jculos nobis reſediſſe videremus. Faciendum cum illis fuit, qui nihil aut exigu-



guum de suo tempore delibant: Itaq; vitam maximè  
prolixam futuram putant, si, quantumcunq; patuit,  
mag. m partem sibi ipsis vacavit, parumque ex eâ in-  
cultum otiosumq; est derelictum. Ac jam fini suo ad-  
mota prima hæc miscellorum decas illustri C. T. nomi-  
ni libens meritoq; ex priscâ formâ sacra esse cupit. Di-  
candi argumentum nec publicum deficit: & privatum  
mihi incumbit. Publicum illustris tuus in litteras fa-  
vor, Serenissime Princeps, est: Vniverso Orbi Chri-  
stiano ingentibus impendiis testatus, quibus illustrem  
Academiâ Marpurgensem inter horribiles sævien-  
tis Bellonæ furores hucusq; fovisti & conservasti. De-  
bebunt haud dubiè T. C. inter alios litteræ, quòd sub  
ambiguâ bellicæ rei aleâ servatorem invenerint. Priva-  
to ipse devinctus teneor, cum in Jubilæo amplissimæ  
Tuæ Academiæ, almæ litterarum mearum matris, pri-  
mis laborum honoribus decoratus ad alias regiones  
sum dimissus. Refectus insuper magnificis epulis, illu-  
stri C. T. munificentia gratis sine compensandi pretio  
suppeditatis. Quod publico aliquo memorare præco-  
nio dudum destinatum, perficere hucusque negavit o-  
portunitas. Sed jam occupare, rupto silentio, præsum-  
psi: ne in labem oblatorum benefactorum ulterius si-  
lentium imputetur. Neq; uberius tanti meriti pretium  
requisitura est C. T. quàm apertam agnitionem. Quo-  
modo in majoribus benefactis, & præmia nostra super-  
gradientibus, affectum in rem æstimare solemus: & in  
gratiæ computari compensationem solet, non simula-



tæ mentis ingenua profesſio. Ergò cippum indiciũm-  
que agnoſcentis illuſtre meritum animi, exigũ, quod  
jam exhibeo, munus ſuſcipies, Princeps Sereniſſime,  
non tam pretio ſui æſtimandum, quàm donantis ani-  
mi. Selecta quædam miſcella ſunt, partim Theologi-  
cis libata diſciplinis, partim Philoſophicis. Dudum  
animo Tua fuerunt: Sed nunc factò: & ſub patrociniò  
Illuſtris Tui Nominis publico Orbi inferri deſiderant.  
Ac ab ejus favore approbationem & tutelam inter va-  
riantia judiciorum acroamata ſibi & humiliter exo-  
ptant, & pollicentur.

Suſcipe, Cattiadum generis Celſiſſima proles  
Munera chartarum, tenuis quæ noſtra Thalia  
Promit, & illuſtri præfixo nomine vulgat.

Si facili pia vota placent, ſi vilia rerum

Mens Tua non renuitt, ſed blandè hæc chartea ſumit  
Munera, & excelſo dignatur ſcripta favore.

Semper honos, nomenq; tuum, meritũq; manebunt.

Vale, *Sereniſſime Princeps*, & cum Sereniſſimâ Coniuge  
totaq; illuſtri familiâ diu feliciterq; inter has vitæ tur-  
bas age, ac ſeris temporibus mortalitatem noſtram, di-  
vorum ſociatus confortio, dedignari incipe. Gedani.  
E Gymnaſio Reipublicæ. Pridiè Calendas Majas, S. N.  
Anno 1636.

*Sereniſſimam Celſitudinem Tuam*

*Subjectiſſimè devoreq; colens*

HENRICUS NICOLAI Philoſ. in  
Gym. Ged. Pro: Pub.




## *Syllabus disputationum contentarum.*

- I. De Temporis Naturâ.
- II. De Frigoris Naturâ.
- III. De Caloris Naturâ.
- IV. De potentiâ in rebus, prior.
- V. De potentiâ in rebus, posterior.
- VI. De Dei immutabilitate.
- VII. De Asyllogistiâ formali, s. prior
- VIII. De Asyllogistiâ materiali, s. posterior.
- IX. De Tertiâ argumentandi figurâ.
- X. De Consequentia Logicæ veritate.

### *Elenchus principiorum erratorum in disputationibus occurrentium.*

*Disp. 1. th. 3. lineâ 30. leg. perpetuo. t. 5. l. 10. externa. th. 11. l. 2. secundum. th. 13. l. 24. somno. t. 15. l. 38. decursu. t. 17. l. 17. notabiliora. t. 18. l. 12. text. 133. t. 19. l. 36. vel. t. 20. l. ult. Iacchens. t. 28. l. ult. Pneumatici. i. 30. l. 20. quidam. t. 32. l. 21. n. 40. t. 34. l. 9. indice. t. 36. l. 20. quorum. l. 47. speciei. t. 37. l. 18. esse. eadem lin. Smiglec. l. 19. principium. t. 38. l. 6. ipsam. t. 40. l. 34. 39. Disp. 2. t. 4. l. 12. hyemi allegoricè. t. 12. l. 38. refrigeratur. t. 18. l. 12. Medicar. l. 41. ἀπὸ τοῦ. t. 19. l. 81. halitus. dis. 3. t. 1. l. 7. contrarietatem. t. 3. l. 1. Cognitio. l. 9. & recentes. th. 4. l. 3. vro. th. 19. l. 46. emittit. dis. 4. t. 1. l. 22. sit. & immutatum. t. 2. l. 8. aut. t. 4. l. 28. succidit. d. 5. t. 7. l. 39. lege 560. t. 17. l. 17. vagari. t. 18. l. 5. posterioritas, et. d. 6. t. 2. l. 9. furorem. t. 8. l. 5. perfectissimum. t. 14. l. ult. t. 8. t. 15. l. 10. coercitivâ. t. 21. l. 24. humanam. d. 7. t. 1. l. 11. asinos â. t. 2. l. 4. spectatur. t. 9. l. 22. Ita. t. 19. l. 4. concedantur. t. 26. l. ult. in consequenter. d. 8. t. 8. l. 2. terminorum. t. 16. l. 2. castitatem. d. 9. t. 4. l. 4. naturam. t. 15. l. 10. Asyllogistica. d. 10. t. 2. l. 38. deleatur enim. t. 7. l. 14. dissidium. l. 42. connexionem. t. 10. l. 11. artificiali. l. 12. operabitur. l. 13. naturâ. t. 28. l. 13. Qui. Cætera, quæ fortè occurrent, benevolus Lector ipse corriget, & Valebit.*



itun  
ere  
and  
re.  
ti-  
to:  
are,  
  
no-  
r li  
pe-  
-







